



نورک بوروی

Yel : 1 Saye : 9 9 Mart 1328
اون بش کونده بر چیقار نورک فاندنه چالشیر

یاپراق

سرت خزان روز کارلرینک مرحتسز ضربهلرله شوراده کی چنار آغاجندن
دالغالرك اوزرینه دوشیوردی .

کدرلی چهره سنده صاری برملال وار . کنارنده کی نه نلی بیرتیقلرله ابدیا
آجیق قالاچق تترهک ومتضرع بر نه لی خاطر لاتیور . او متوکل ، لاقیددرده ..
دالغالره یوکسهلوب آچالییور ، نوته به نزی به سوروکلنه نیور .

بونک به شیکی ، یوردی شو مغرور چنار آغاجنک اینجه بر دالی ایدی .
اوراده یتیشدی ، اوراده بویودی . کز مه دی ، طولاشمادی .

کونهش اوزاقلردن اوکا رنک هدیه ایتدی . فقیر باجالره بیلیم نروده کی
یوکسک فابریقه لر ، یانان اورمانلر ، یاشایاجق برشی کوندردی . طوپراقلر رزق
ویردی . کره نک بیلیم هانکی نقطه سندن کلن بولوتلر اونو صولادی .

نهایت مانی ده کیزک قارارسز دالغالری اوکا بر مزار اولدی .

خایر ، خایر ! بر به شیک .. ایلیق ، نفیس برقادرین کوکی اولدی . ایشته
اونو ازی نغمه لر ، ابدیت سسلرندن نینلره آغوشنده صالایور .

بو صاراران ، دوشن ، ثولن ناچیز مخلوق آرتیق باشقا موجودلرده دواچاق ،
مجهوللرده یاشایاجقدر .

بندن اونک مایلکلره کومولش اوکسوز روحنه بیک حرمت ، بندن
آکا بیک سلام وتقیدس !



آه ! بنده برکون طوپراقلرک صوغوق و دو یغوسز قوجاغنه دوشدیکم
وقت بو یاپراق کی شبهه سز داغیلاجغم . لاکین نه لره قاریشاجغم ، هانکی
حیاتلرده اینله به جکم ؟

موروث ومکسوب بوتون وارلغی برقاج مینی مینی ذی حیاته تودیع
ایتسه مده ، بوتون (توران) لی آتالریمک قائمه طولاشان قدرتلری ، روحده
حکم سورهن موجودیتلری .. دایما چارپیشان وطاشان ، دایما تحس ایدن

ودوشون دده لریمک دماغده یاشایان ملکه لری ، اعتیادلری ، دویغولری ،
الملری ، امللری .. بومئلسز تحفه لر ، بوارثی قوتلر ، بو قدسی امانتلر بماله
برابر خسران ایچنده سونوب کیتمه !.

عزمت علوی



آی دوغارکن

دوشونوش

قارا کلغک آراسندن نه قایغیلی دوغیور
باقک ینه شو کوزهل یوز ، شو آق آلین : تمیز آی !
ایشیق دوکوب قویو ، قورقونج قارا کلخی بوغیور ،
کورونمه مزلیکی ، کوسترمه مزلیکی قوغیور ..

بر آاز صاریسه ده آیدینلا شیر یوجه لیکه ،
کوموش بر آینه اولور کوکلر اوزره کلدیکه ...

کیجه لری یادوب چیقان بو آق یوز :
کچمش ییللر سیسلینه بورونن ،
« یورد » منده بو کون دوغان ، کورونن
« تورک » یوزیدر ... آچیلمالی کوزمن !

بو بر کونش اولاجقدر یارین ... آله وصاچاق ،
پیریل پیریل یره پیرلانظه رنگلر دوکه جک ؛
یارین ... بو کون قایانان آسی کولکری آچاق ؛
یارین ، یارین ... کوزمزدن قارالتیلر اوچاق ...

یارین بودر یاشامق : صاغلغک یولی پارلاق ،
فکر ایشیقلی ، کوکل خوش ، آلین آچیق ، یوز آق ،